



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XIV. Filii personatum, vel alii qui in ecclesias se vacantes intrudunt, non possunt eas sub appellationis obtentu occupare.

**urn:nbn:de:hbz:466:1-15588**

ANNO CHRISTI 1179. frater noster R. VVigorniensis episcopus, in cuius diœcœsi ea ipsa consistit, ne ipse monachis censum solueret, nisi prius constaret quod episcopali auctoritate esset impositus, in periculum ordinis & sub interminatione anathematis, interdixit. Vnde præfatus rector hinc reatum per iuri metuit, inde timet periculum inobedientiae imminere. Quocirca fraternitati tuæ, &c. quatenus partibus conuocatis, si præscriptum canonem de auctoritate præfulis, non de nouo, impositum fuisse constiterit, præcipias episcopo auctoritate nostra ut prohibitionem suam sine dilatione relaxet. Si vero census fuerit de nouo impositus, siue de episcopali auctoritate factum fuerit, siue non, abbatem & monachos ut clericum a præstito iuramento absoluant, appellatione remota, ecclesiastica districione compellas. Pati enim nolumus nec debemus, ut ecclesia noui census exactione vexentur.

CAP. XIV.

Item Cantuariensi archiepiscopo & eius suffraganeis.

Ex crebris querimoniiis clericorum, qui de partibus vestris ad præsentiam nostram accedunt, satis nobis euidenter innotuit, quod interdum decedentibus ecclesiarum personis, quandoque filii, quandoque alii absque conscientia & consensu episcopi dioecesani, se in prædictas ecclesias intrudere non verentur, & earumdem ecclesiarum claves accipiunt, & ut ecclesias, vel earum bona teneant occupata, in vocem appellationis prorumpunt. Quum igitur id iniquum sit penitus & absurdum, nos tantæ iniquitati, & enormitati, pastorali volentes consideratione occurrere, & radicem huius cupiditatis de clero penitus extirpare, fraternitati tuæ, &c. quatenus si qui sint, vel fuerint in partibus vestris, qui tali modo ad ecclesias detinendas inhire præsumunt, ipsos ad easdem ecclesias quantocius relinquendas, studiose monere curetis, & ecclesiastica districione compellere: ita quod si manifestum est, ipsos ita tenere, & præsumptuose ecclesias detinere, sub obtentu appellationis, si quam interposuerint, non omittatis quin eos ad ecclesias easdem dimittendas, appellatione cessante, ecclesiastica censura compellatis.